



3. januar 2011

Inatsisartut suleriaasianni § 37 naapertorlugu Naalakkersuisunut apeqqutit imaattut matumuuna saqqummiuppara:

**Naalakkersuisunut apeqqut:**

- 1. Danmark-imi Kalaallit Illuisa Namminersorlutik Oqartussanit tapiissutaat soormi taamak assigiinngisitaartigippat?**
- 2. Tapiissutinik nalilersueqqinnissaq pilersaarutaanerluni?**

(Inatsisartuni ilaasortaq, Doris Jakobsen Siumut)

**Tunngavilersuut:**

Ukioq kingulleq Folketing-imi paarlattaanera iluatsillugu, Danmarkimi Kalaallit Illui tamaasa paasisassarsiorfigalugit pulaarpakka, sulisut ilinniartullu ataatsimeeqatigisarlugit.

Paasivaralu Kalaallit Illuinik ingerlatsinermut Aningaasanut Inatsisikkut tapiissutigineqartartut sumiiffimmiik sumiiffimmut nikingangaatsiartut soorlu aamma aningaasanut inatsimmi tamanna takuneqarsinnaasoq.

Taamatut tapiissutit nikinganerisa ilaatigut kingunerivaat, sumiiffiit ilaanni soorlu Kalaallit Illuani najungaqartut allanut sanilliullugit akiliinerusarnerat. Aammattaaq paasivara sulisut aningaasarsiaqartitaanermikkut Namminersorlutik Oqartussanik tapiiffigineqartarneri nikingasorujussuusut.

Taamak annertutigisumik nikingasoqarnera paaserusuppara sumik tunngaveqarnersoq? Aamma paaserusuppara naligiissaarinnissaq Naalakkersuisunit tulluurtutut isigineqannginnersoq?